



類書中所刻飛燕太真二傳頗多訛錯而飛
燕傳後多不載子于自叙之語乾隆丙申秋
日吳翌鳳借畫區沈氏所藏李滄葦影宋本
按補勘定越六年辛丑重寫一過較世行本
為稍勝矣中元後三日松臥居書

梅妃傳

梅妃姓江氏莆田人父仲遜世為醫妃年九歲
能誦二南語父曰我雖女子期以此為志父奇
之名之曰采蘋開元中高力士使閩粵妃笄矣
見其少麗選歸侍明皇大見寵幸長安大内大
明興慶三宮東都大内上陽兩宮幾四萬人自
得妃視如塵土宮中亦自以為不及妃善屬文
自比謝女嘗淡妝雅服而恣態明秀筆不可描
盡性喜梅所居闌檻悉植數株上榜曰梅亭梅



開賦賞至夜分尚願戀花下不能去上以其所
好戲名曰梅妃妃有蕭蘭梨園梅花鳳笛玻盃
剪刀綺窓七賦是時承平歲久海內無事上於
兄弟間極悵友愛日滋閒燕必妃侍側上命破橙
往賜諸王至漢邸潛以足躡妃履登時退閣上
命連宣報言適履珠脫綴綴竟當來久之上親
往命妃妃拽衣迓上言胸腹疾作不果前也卒
不至其恃寵如此後上与妃聞茶顧諸王戲曰
此梅精也吹白玉笛作驚鴻舞一座光輝闔茶

今又勝我矣妃應聲曰草木之戲悞勝陛下設
使調和四海烹飪萬乘自有憲法賤妾何
能較勝負也上大喜會太真楊氏入侍寵愛日
奪上無踈意而二人相嫉避路而行上以方英
皇議者謂廣狹不類竊笑之夫真忌而智妃性
柔緩亡以勝後竟爲楊氏遷於上陽東宮後上
憶妃夜遣小黃門滅燭密以戲馬召妃至翠華
西閣叙舊愛悲不自勝繼而上失寤侍御驚報
曰妃子已留閣前當柰何上披衣抱妃藏夾幙

間太真既至問梅精安在上一曰在東宮太真曰
乞宣至今日同浴溫泉上一曰此女已放屏無並
往也太真語益堅上顧左右不答太真大怒曰
肴核狼籍御榻下有婦人遺舄夜來何人侍陛
下寢懽醉至於日出不視朝陛下可出見群臣
妾止此閣以俟駕回上愧甚拽衾向屏復寐曰
今日有疾不可臨朝太真怒甚徑歸私第上頃
覓妃所杜已爲小黃門送令步歸東宮上怒斬
之遺舄并翠鈿命封賜妃謂使者曰上棄我之

深乎使曰上非棄妃誠恐太真惡情乎妃笑曰
恐伶我則動肥婢惡情豈非棄也妃以千金禱
高力士求詞人擬司馬相如爲長門賦欲邀上
意力士方奉太真且畏其勢報曰無人解賦妃
乃自作樓東賦畧曰

玉鑑塵生鳳奩香殄懶蟬鬢之巧梳開縷衣
之輕練苦寂寞於蕙宮但凝思乎蘭殿信標
落之梅花隔長門而不見况乃花心颺恨柳
眼弄愁煖風習習春鳥啾啾樓上黃昏兮聽

鳳吹而回首碧雲日暮兮對素月而凝眸温
泉不到憶拾翠之舊遊長門深閉嗟青鸞之
信修憶太液清波水光蕩浮笙歌賞燕陪從
宸旒奏舞鸞之妙曲乘畫鷁之仙舟君情纏
縷深叙綢繆誓山海而常在似日月而無休
柰何嫉色庸庸妬氣冲冲奪我之愛幸斥我
高乎幽宮思舊歡之莫得想夢著乎朦朧度花
朝与月夕羞懶對乎春風欲相如之奏賦柰
世才之不工屬愁吟之未盡已響動乎踈鍾

空長嘆而掩袂躊躇步于樓東

太真聞之訢明皇曰江妃庸賤以庾詞宣言怨
望願賜死上默然會嶺表使歸妃問左右何處
驛使來非梅使耶對曰庾邦貢楊妃果實使來
妃悲咽泣下上在花萼樓會夷使至命封珍珠
一斛密賜妃妃不受以詩付使者曰爲我進御
也曰

桂葉雙眉久不描殘妝和淚污紅綃長門自
是無梳洗何必珍珠慰寂寥

上覽詩悵然不樂令樂府以新聲度之號一斛
珠曲名始此也後祿山犯關上西幸太真死及
東歸尋妃所在不可得上悲謂兵火之後流落
他處詔有得之者官二秩錢百萬搜訪不知所
在上又命方士飛神御氣潛經天地亦不可得
有宦者進其畫真上言似甚但不活耳詩題於
上曰

憶昔嬌妃在紫宸鉛華不御得天真霜綃雖
似當時態爭奈嬌波不顧人

讀之泣下命模像刊石後上暑月晝寢髣髴見
妃隔竹間泣含睇障袂如花朦霧露狀妃曰昔
陛下蒙塵妾死亂兵之手哀妾者埋骨池東梅
株傍上駭然流汗而寤登時令往太液池發視
不獲上益不樂忽悟溫泉湯池側有梅十餘株
豈在是乎上自命駕令發視纔數株得屍裹以
錦裯盛以酒槽附土三尺許上大慟左右莫能
御視視其所傷脇下有刃痕上自製文誄之以
妃禮易葬焉

贊曰明皇自爲潞州別駕以豪偉聞馳騁大馬郭杜之間與俠少游用此起支庶踐尊位五十餘年享天下之奉窮奢極侈子孫百數其閹萬方伎色衆矣晚得楊氏變易三綱濁不亂四海身廢國辱思之不少悔是固有以中其心滿其欲矣江妃者後先其間以色爲所深嫉則其當人主者又可知矣議者謂或覆宗或非命均是媚忌自取殊不知明皇耄而伎忍至一日殺三子如輕斷螻螻之命奔竄

而婦受制昏逆四顧嬪嬙斬亡俱盡窮獨苟活天下哀之傳曰以其所不愛及其所愛蓋天所以酬之也報復之理毫忽不差是豈特兩女子之罪哉

漢興尊春秋諸儒持公穀角勝負左傳獨隱而不宣最後迺出蓋古書歷久始傳者極衆今世圖畫美人把梅者號梅妃泛言唐明皇時人而莫詳所自也蓋明皇失邦咎歸楊氏故詞人喜傳之梅妃特嬪御擅

美顯晦不同理應爾也此傳得自萬卷朱
遵度家大中二年七月所書字亦媚好其
言時有涉俗者惜乎史逸其說畧加脩潤
而曲循舊語懼沒其實也惟禁少蘊與予
得之後世之傳或在於此本又記其所從來
如此

南唐近事卷之上

南唐烈祖元宗後主三世共四十年起天福丁酉之
春終開寶乙亥之冬君臣用舍朝廷典章兵火之餘
史籍蕩盡惜夫前事十不存一余匪鴻儒頗嗜學
耳目所及志乎緝細聊資抵掌之談敢坐獲麟之譽
好事君子無或陋焉太平興國二年歲次丁丑夏五
月一日江表鄭文寶序



烈祖輔吳之初未踰疆仕元龜碩望是以鎮時清亂
當時同立功如宋瑾李德誠朱延壽劉信張崇榮再用
南唐近事上



445